



Na osnovu člana 89. Zakona o osnovnom odgoju i obrazovanju ("Službene novine Kantona Sarajevo" br. 10/04, 21/06, 26/08, 31/11 i 15/13), člana 8. Zakona o ministarskim, vladinim i drugim imenovanjima Federacije BiH ("Službene novine F BiH" br. 12/03, 34/03 i 65/13), tačke IV Odluke o standardima i kriterijima za nominovanje/imenovanje na pozicije predsjednika i članova školskih i nadzornih odbora osnovnih škola kao javnih ustanova, čija konačna imenovanja vrši Vlada Kantona Sarajevo („Službene novine Kantona Sarajevo“ broj: 16/13) i člana 8. Pravilnika o izboru, imenovanju i načinu rada školskih i nadzornih odbora osnovnih škola Kantona Sarajevo („Službene novine Kantona Sarajevo“ broj: 24/12), ministar za obrazovanje, nauku i mlade Kantona Sarajevo raspisuje

JAVNI POZIV
za izbor i imenovanje na upražnjene pozicije predsjednika i članova u školskim odborima osnovnih škola kao javnih ustanova na području Kantona Sarajevo

I

U Školski odbor osnovnih škola kao javnih ustanova, biraju se:

- | | |
|---|---------|
| 1. Predstavnik Ministarstva (predsjednik) | 1 član |
| 2. Predstavnik općine na čijem području se škola nalazi | 1 član |
| 3. Predstavnik roditelja/staratelja učenika | 3 člana |
| 4. Predstavnik nastavnika/stručnih saradnika škole | 2 člana |

II

Na osnovu ovog Javnog poziva izvršit će se izbor i imenovanje predsjednika i članova na upražnjene pozicije u školskim odborima u slijedećim osnovnim školama, kao javnim ustanovama na području Kantona Sarajevo:

R/b	Naziv škole	Upraznjene pozicije
1.	OŠ "6.mart"	1 predstavnik roditelja/staratelja
2.	OŠ "9. maj"	1 predstavnik zaposlenika 1 predstavnik roditelja/staratelja
3.	OŠ "Hašim Spahić"	2 predstavnika zaposlenika
4.	OŠ "Podlugovi"	1 predstavnik Ministarstva 1 predstavnik roditelja/staratelja

5.	OŠ "Srednje"	1 predstavnik Ministarstva 2 predstavnika zaposlenika 3 predstavnika roditelja/staratelja
6.	OŠ "Stari Ilijaš" Ilijaš	1 predstavnik Ministarstva 2 predstavnika zaposlenika 3 predstavnika roditelja/staratelja 1 predstavnik Općine
7.	OŠ "Isak Samokovlija"	1 predstavnik Ministarstva 1 predstavnik Općine
8.	OŠ "Vladislav Skarić"	1 predstavnik Ministarstva 2 predstavnika roditelja/staratelja 1 predstavnik Općine
9.	OŠ "Hasan Kikić"	1 predstavnik roditelja/staratelja
10.	OŠ "Musa Ćazim Ćatić"	1 predstavnik Ministarstva 1 predstavnik Općine
11.	OŠ "Silvije Strahimir Kranjčević"	1 predstavnik Ministarstva 1 predstavnik zaposlenika 3 predstavnika roditelja/staratelja 1 predstavnik Općine
12.	OŠ "Mehmed beg K. Ljubušak"	1 predstavnik Općine 3 predstavnika roditelja/staratelja
13.	OŠ "Nafija Sarajlić"	1 predstavnik Ministarstva 3 predstavnika roditelja/staratelja 1 predstavnik Općine
14.	OŠ "Hasan Kaimija"	1 predstavnik roditelja/staratelja 1 predstavnik Općine
15.	Druga osnovna škola	1 predstavnik Općine
16.	Peta osnovna škola	1 predstavnik Ministarstva 2 predstavnika roditelja/staratelja
17.	Šesta osnovna škola	2 predstavnika zaposlenika 3 predstavnika roditelja/staratelja
18.	Sedma osnovna škola	1 predstavnik Općine
19.	Osma osnovna škola	2 predstavnika roditelja/staratelja
20.	Deveta osnovna škola	2 predstavnika zaposlenika

21.	“Osnovna muzička škola” Ilidža	1 predstavnik Ministarstva 1 predstavnik roditelja/staratelja 1 predstavnik Općine
22.	OŠ “Čengić Vila I”	1 predstavnik Ministarstva 2 predstavnika zaposlenika 3 predstavnika roditelja/staratelja 1 predstavnik Općine
23.	OŠ “Malta”	1 predstavnik Ministarstva 3 predstavnika roditelja/staratelja 1 predstavnik Općine
24.	OŠ “Hrasno”	1 predstavnik Općine
25.	OŠ “Grbavica II”	2 predstavnika zaposlenika 1 predstavnik roditelja/staratelja 1 predstavnik Općine
26.	OŠ “Pofalići”	1 predstavnik Općine
27.	OŠ “Velešićki heroji”	3 predstavnika roditelja/staratelja
28.	OŠ “Kovačići”	1 predstavnik Ministarstva 1 predstavnik roditelja/staratelja 1 predstavnik Općine
29.	Muzička škola-Novo Sarajevo	1 predstavnik roditelja/staratelja
30.	Centar “Vladimir Nazor”	1 predstavnik Općine
31.	OŠ “Mirsad Prnjavorac”	2 predstavnika zaposlenika 2 predstavnika roditelja/staratelja 1 predstavnik Općine
32.	OŠ “Zahid Baručija”	1 predstavnik Ministarstva 2 predstavnika zaposlenika 2 predstavnika roditelja/staratelja 1 predstavnik Općine
33.	OŠ “Porodice ef. Ramić”	1 predstavnik roditelja/staratelja 1 predstavnik Općine
34.	OŠ “Zaim Kolar” Trnovo	1 predstavnik Ministarstva 3 predstavnika roditelja/staratelja

35.	OŠ "Mehmedalija Mak Dizdar"	1 predstavnik zaposlenika 1 predstavnik Općine
36.	OŠ "Meša Selimović"	2 predstavnika zaposlenika 2 predstavnika roditelja/staratelja
37.	OŠ "Fatima Gunić"	1 predstavnik Općine
38.	OŠ "Skender Kulenović"	1 predstavnik roditelja/staratelja 1 predstavnik Općine
39.	OŠ "Čamil Sijarić"	1 predstavnik Ministarstva 1 predstavnik roditelja/staratelja
40.	OŠ "Osman Nuri Hadžić"	1 predstavnik Ministarstva 1 predstavnik roditelja/staratelja
41.	OŠ "Umihana Čuvidina"	1 predstavnik zaposlenika
42.	OŠ "Avdo Smailović"	1 predstavnik Ministarstva
43.	OŠ "Edhem Mulabdić"	2 predstavnika zaposlenika 3 predstavnika roditelja/staratelja
44.	OŠ "Mula Mustafa Bašeskija"	1 predstavnik Ministarstva 2 predstavnika zaposlenika 3 predstavnika roditelja/staratelja
45.	OŠ "Saburina"	1 predstavnik Ministarstva
46.	OŠ "Šejh Muhamed ef. Hadžijamaković"	1 predstavnik Ministarstva 1 predstavnik roditelja/staratelja
47.	OŠ "Hamdija Kreševljaković"	1 predstavnik roditelja/staratelja 1 predstavnik Općine
48.	Muzička šk. "Mladen Pozajić"	1 predstavnik Ministarstva 2 predstavnika zaposlenika 2 predstavnika roditelja/staratelja
49.	Zavod "Mjedenica"	1 predstavnik roditelja/staratelja 1 predstavnik Općine

III

OPIS POZICIJA:

Školski odbor: osigurava djelotvorno i efikasno korištenje svih resursa škole. Nadležnosti u donošenju akata škole su: donošenje pravila škole, donošenje godišnjeg programa rada škole za tekuću godinu i izvještaja o realizaciji godišnjeg programa rada za prethodnu godinu, donošenje finansijskog plana i usvajanje godišnjeg obračuna, donošenje općeg akta o unutrašnjoj organizaciji i sistematizaciji radnih mjesta i drugih općih akata u skladu sa relevantnim propisima, donošenje svog programa rada i izvještaja o svom radu koji podnosi osnivaču. Školski odbor je nadležan za rješavanje u prvom stepenu o: imenovanju i razrješenju direktora kao i zaključivanju ugovora o radu i prestanku rada direktora osnovne škole, imenovanju komisije za utvrđivanje prijedloga za izbor zaposlenika škole i drugih komisija za poslove iz svoje nadležnosti, korištenju sredstava preko iznosa određenog relevantnim propisima, žalbama i prigovorima zaposlenika na rješenje o ocjeni rada i drugim pravima, obavezama i odgovornostima iz radnog odnosa, žalbi učenika, odnosno roditelja ili staratelja učenika na odluku o izricanju odgojno-disciplinske mjere iz člana 65. Zakona o osnovnom odgoju i obrazovanju, žalbama i prigovorima koji se odnose na rad direktora osnovne škole.

Školski odbor je nadležan za odlučivanje u drugom stepenu po žalbama i prigovorima na odluke direktora škole na koje je dopuštena žalba ili prigovor, posebno po žalbama i prigovorima koji se odnose na rad nastavnika, stručnih i drugih saradnika.

Školski odbor obavlja i sljedeće: usmjerava, kontrolira i ocjenjuje rad direktora, razmatra prijedloge odluka, preporuke i prijedloge koje se upute školskom odboru i preduzima odgovarajuće mjere, rješava sva pitanja odnosa sa osnivačem i vrši i druge poslove u skladu sa relevantnim propisima i pravilima osnovne škole.

IV

Za predsjednika i člana školskog odbora u javnoj ustanovi može biti nominovan/imenovan kandidat koji ispunjava slijedeće opće uvjete:

- a) da je stariji od 18 godina;
- b) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije;
- c) da se na tog kandidata ne odnosi član IX 1. Ustava Bosne i Hercegovine;
- d) da nije osuđivan za krivično djelo i za privredni prestup nespojiv sa dužnošću u školskom odboru javne ustanove;
- e) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine ("Službeni glasnik BiH", br. 16/02, 14/03 i 12/04).

Pored navedenih općih uslova, kandidat koji se nominuje/imenuje za poziciju predsjednika i člana školskih odbora javne ustanove treba da ispunjava i slijedeće posebne uvjete:

a) Za predsjednika i člana-predstavnika općine u školskom odboru:

- 1) da posjeduje najmanje VII stepen stručne spreme ili prvi ciklus studija po bolonjskom visokoobrazovnom procesu i najmanje pet godina radnog staža u struci,
- 2) da nema privatni finansijski interes u javnoj ustanovi u čiji školski ili nadzorni odbor se kandidira,
- 3) da nije direktor, niti pomoćnik direktora osnovne ili srednje škole,

- 4) da nije zaposlenik osnovne škole u čiji se školski ili nadzorni odbor kandidira,
- 5) da nije roditelj, niti staratelj učenika korisnika usluga škole u čiji se školski ili nadzorni odbor kandidira i
- 6) da nije član više od jednog upravnog, školskog ili nadzornog odbora.

b) Za člana školskog odbora - predstavnika zaposlenika:

- 1) da posjeduje diplomu najmanje VI stepena stručne spreme i najmanje pet godina radnog staža u struci,
- 2) da nije pomoćnik direktora osnovne ili srednje škole,
- 3) da nije roditelj, niti staratelj učenika korisnika usluga škole u čiji se školski ili nadzorni odbor kandidira
- 4) da ima status zaposlenika u javnoj ustanovi u smislu važećih propisa o radu i
- 5) da nije član više od jednog upravnog, školskog ili nadzornog odbora.

c) Za člana školskog odbora-predstavnika roditelja:

- 1) da posjeduje diplomu najmanje IV stepena srednje
- 2) da nije direktor ili pomoćnik direktora osnovne ili srednje škole,
- 3) da nije zaposlenik osnovne škole u čiji se školski ili nadzorni odbor kandidira,
- 4) da ima status roditelja ili staratelja djece korisnika usluga osnovne škole i
- 5) da nije član više od jednog upravnog, školskog ili nadzornog odbora.

Za članove školskog odbora-predstavnike roditelja i zaposlenika bira se i imenuje kandidat koji uz ispunjenje ostalih uvjeta posjeduje najviši stepen školske spreme u odnosu na uvjete propisane ovom odlukom.

V

Predsjednika i članove školskog odbora imenuje Vlada Kantona Sarajevo.

Za Vladu Kantona Sarajevo, obavezujući su prijedlozi za imenovanje predstavnika roditelja i nastavnika/stručnih saradnika škole, koje u skladu sa važećim propisima izaberu nadležne strukture.

Mandat predsjednika i članova školskih odbora, imenovanih po ovom Javnom pozivu će trajati do okončanja četverogodišnjeg mandata predsjednika i članova školskih odbora imenovanih od strane Vlade Kantona Sarajevo, po osnovnom Javnom pozivu.

VI

Prijavljivanje se vrši putem prijavnog obrasca, koji se može preuzeti u šalter-sali Kantona Sarajevo (Ul. Reisa Džemaludina Čauševića br. 1 Sarajevo) ili na web stranici Ministarstva za obrazovanje, nauku i mlade Kantona Sarajevo (www.mon.ks.gov.ba). Na istim mjestima se može preuzeti obrazac Izjava o ispunjavanju uvjeta (dokaz tačke 5.) i obrazac za pitanja o eventualnom postojanju sukoba interesa.

Prijavu sa cjelokupnom traženom dokumentacijom kandidat treba dostaviti lično ili poštom preporučeno, na adresu Ministarstva ul. Reisa Džemaludina Čauševića br. 1 Sarajevo, sa naznakom «Prijava na javni poziv za Školski odbor JU " _____ "»

(Upisati naziv ustanove)

- ne otvaraj – otvara Komisija».

Uz prijavni obrazac, kandidat treba priložiti:

1. biografiju
2. univerzitetsku diplomu
3. uvjerenje o državljanstvu (ne starije od 6 mjeseci)
4. potvrdu/uvjerenje o radnom stažu u struci (potpisano i ovjerenom od strane poslodavca)
5. potpisano i ovjerenom izjavu od strane nadležne općinske službe kojom kandidat potvrđuje slijedeće:
 - da se na kandidata ne odnosi član IX.1. Ustava BiH,
 - da nije osuđivan za krivično djelo i privredni prestup nespojiv sa dužnošću u upravnom ili nadzornom odboru javne ustanove, da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u instituciji vlasti BiH („Službeni glasnik BiH“, br.: 16/02, 14/03 i 12/04),
 - da nije otpušten iz državne službe kao rezultat disciplinske mjere, predhodne tri godine od dana objavljivanja Javnog poziva,
 - da nema privatni finansijski interes u javnoj ustanovi u čiji se školski odbor kandiduje,
 - da nije direktor odnosno pomoćnik direktora osnovne ili srednje škole,
 - da nije član više od jednog organa upravljanja ili nadzora bilo kojeg pravnog lica (privredna društva, agencije, udruženja, fondovi i sl.).
6. obrazac izjave za pitanja o eventualnom postojanju sukoba interesa (razlozi za izuzeće u postupku imenovanja – član 13 Pravilnika o izboru, imenovanju i načinu rada školskih i nadzornih odbora osnovnih škola Kantona Sarajevo („Službene novine Kantona Sarajevo“, br. 24/12)

Sve dokumente potrebno je priložiti u originalu ili fotokopiji ovjerenom kod nadležne općinske službe.

Dokumentacija dostavljena na Javni poziv se ne vraća kandidatima.

Komisija zadržava pravo da ostale dokaze u vezi sa datom Izjavom zatraži naknadno i ukoliko aplikant u roku od najkasnije 15 dana od dana traženja dokaza iste ne dostavi smatrat će se da nije dostavio potpunu dokumentaciju.

Oglas će biti objavljen u dnevnom listu „Oslobodenje“ i „Službenim novinama Federacije BiH“.

Oglas ostaje otvoren petnaest (15) dana od dana posljednjeg javnog objavljivanja.

Nepotpune i neblagovremene prijave neće biti razmatrane.

Predsjednik i članovi školskog odbora će svoje dužnosti obavljati na dobrovoljnoj osnovi i 'bez bilo kojeg vida nadoknade.

Napomena: Tekst Javnog poziva je dostupan i na web stranici: www.mon.ks.gov.ba.

Procedura obrade prijave kandidata i objedinjavanja prijedloga provest će se u skladu sa članom 13. Pravilnika o izboru, imenovanju i načinu rada školskih i nadzornih odbora osnovnih škola Kantona Sarajevo („Službene novine Kantona Sarajevo“, broj 24/12).

Za predsjednika i člana školskog odbora osnovne škole ne može biti imenovan kandidat za kojeg se u postupku imenovanja utvrdi da je ispunio bilo koji od razloga za izuzeće propisanih članom 13. Pravilnika o izboru, imenovanju i načinu rada školskih i

nadzornih odbora osnovnih škola Kantona Sarajevo ("Službene novine Kantona Sarajevo" broj 24/12).

Svi kandidati koji ispunjavaju uslove Javnog poziva bit će pozvani na intervju pred Komisijom za izbor.

Nakon provođenja procedure kandidati koje Komisija za izbor, bude smatrala najuspješnijim bit će predloženi za imenovanje Vladi Kantona Sarajevo.

Komisiju za izbor imenuje Vlada Kantona Sarajevo, posebnim rješenjem.



web: <http://www.mon.ks.gov.ba>

e-mail: mon@mon.ks.gov.ba;

Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

